



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბეგთაბეგიშვილი ალექსანდრე იასეს ძე

ბეგთაბეგიშვილი ალექსანდრე იასეს ძე (10. V. 1819, თბილისი, – 29. I. 1876, იქვე), რუსეთის არმიის გენერალ-მაიორი (1869). მეფე ერეკლე II-ის მიერ გათავადებული ბეგთაბეგების სომხ. საგვარეულოს წარმომადგენელი.

1840-იდან არმიაში იყო. მონაწილეობდა ყირიმის ომში (1853–56), დას. კავკასიის დამორჩილებაში. იყო კავკასიის მესანგრეთა პირველ-ბატალიონის მეთაური (1856). ქუთაისის 153-ე პოლკის მეთაური (1863-იდან).

ასრულებდა არასამხ. დანიშნულების მნიშვნელოვან დავალებებს – მონაწილეობდა ტყიბულის ქვანახშირის საბადოს ათვისებაში, ოქროს საბადოს აღმოჩენის მიზნით) გამოიკვლია მაღალმთიანი სვანეთის ძნელად მისადგომი ტერიტორია.

ენოდა საზ. მოღვაწეობას, იკვლევდა სამხ. საკითხებს და აქვეყნებდა პუბლიკაციებს სპეც. სამხ. და საინჟინრო ჟურნალებში. ავტორია საინტერესო ჩანაწერებისა.

დაჯილდოებულია წმ. ვლადიმირის III და IV ხარისხის ორდენებით. დაკრძალულია თბილისში, მოღინის წმ. გიორგის ეკლესიაში.

მ. გოგიტიძე
